

An in America attendisti ad Aves, Amphibia, Pisces, aut insecta? Accepi nuper pulcherrima insecta ab exteris terris.

D. Vosmaar, Musei Principis arusiaci Hagae Praefect. misit ad me nuper *Moehringii* opusc. de *avibus* in linguam belgicam versum, suis observationibus illustratum.

346. n. g. Drupa nucleo 5 loculari. non novi aliquod genus nucleo quinqueloculari, praeterquam Spondias, a quo hoc diversum.

Dicas mihi an liceat cum tabellario ad te mittere Dissertationem Floram jamaicensem dictam, quae duabus constat philyris; sed forte tabellarius sit Tibi nimis pretiosus in vestra regione.

Vidisti umquam *Begoniam*? Cur hanc Rumici accenseat Brownius? anne flores duplicis sexus? anne etiam fructus diversus?

*Turnerae* species Burm. tab. 150. videtur diversa a nostra specie, cum Plumieri planta flores gerat pedunculatos longissimis pedunculis.

*Dorsteniae* flores an vidisti vivos? an stamina numerosa?

(Tempus datae epistolae desideratur, adscriptum manu Jacquinii: »Respondi 20. Januarii 1760.«)

## 5.

Botanico vero Magno DD. Nic. Jacquinio s. pl. d.  
C. Linnaeus Equ.

Heri accepi donum Tuum plus quam Regium; Tot tamque rara Semina ego numquam vidi, minus accepi: utinam decimum quodque germinaret, me tum Creso ditiozem dicerem. Ea eodem die terrae mandavi, probe inspexi, et in memoriam mihi revocavi quot insomnes noctes diesque transegisti, quot labores et ardores gustare debuisti, ut haec